

Vaofisiri va Khasitomo va endla mphutumo wa swidzidziharisi wa R40m eRivaleni ra Swihahampfhuka ra Misava Hinkwayo ra OR Tambo

Tshwane, 13 Ndzati 2021 – Vaofisiri va Khasitomo va Vukorhokeri bya Xibalo bya Afrika-Dzonga (SARS), va tekile swiphemu swa 67 swa *calcium hydroxide* leswi tirhisiweke ku humesa *crystal methamphetamine*, leyi tivekaka hi ntolovelo tanihi “ice” kumbe “tik”. “Party drug” leyi tikaka 132.41kg no va na nkoka wa R40-million, swi tekiwile exiticini xa tinhundzu eRivaleni ra Swihahampfhuka ra Misava Hinkwayo ra OR Tambo.

Yuniti ya Khasitomo ya Timbyana to Nuhetela yi rhumeriwile ku endla mikambelo ya masiku hinkwawo eka tinhundzu leti taka hi swihahampfhuka. Loko ku ri karhi ku langutisiwa ku tekiwa ka tinhundzu, muchayeri wa movha u voniwile ku va tikhomile hi ndlela leyi ehleketelerisaka. Muchayeri a ri eku layicheni ka tinhundzu ku suka eka mabokisi mambirhi (2) emovheni wa yena.

Muchayeri u tshuneleriwile naswona vaofisiri va komberile nkambelo. Vaofisiri va kumile 67 wa tibuloko ta swilo leswi nga tivekiki leswi sukaka eAddis Ababa. Khiti yo kambela swidzidziharisi yi tirhisiwile eka swilo leswi, leswi kombiseke ku va yi ri na *crystal meth*. Tinhundzu a ti tivisiwile tanihi swilo swo tirhisa swa munhu.

Vulawuri bya Mindzavisiso ya Vugevenga bya Xirhangana bya Vukorhokeri bya Maphorisa bya Afrika-Dzonga (Hawks) byi tivisiwile mayelana na vhumbunulo ku tiyisisa no kambela hi vuntshwa swilo leswiya. Nkambelo wu kumile leswaku swi na *calcium hydroxide*. Mutundzi na muchayeri va khomiwile. Nandzu wa vugevenga wu tsarisiwile na SAPS ku lavisisiwa ku ya emahlweni.

Vhumbunulo lowu nga hundza eORTIA hi Khotavuxika 2021 wu thumbile *mandrax*, leyi tikaka 1 746kg no va na nkoka wa R105-million, leyi a yi suka eKenya,

Khomixinara wa SARS Tatana Edward Kieswetter u ndhundhuzerile matshalatshala ma xipano lexi tekeke swilo leswi swa ngozi, no engetela leswaku "loko ku ve a ku tekiwangi goza, tiko ra hina na vantshwa va hina a swi ta va swi paluxeriwe eka nhozi ra swidzidziharisi". U humesile xitsundzuxo xa leswaku "SARS yi tirha kun'we na tiejensi tin'wana to hlayisa nawu, swi ta tirhisa matshalatshala hinkwawo ku tlhontlha lava tinghenelerisaka eka vugevenga lebyi no yimisa mphakelo wa swidzidziharisi leswi onhaka leswi xungetaka ku lahlekisa vumundzuku bya tiko ra hina no herisa, vantshwa ngopfungopfu".

Swifaniso swa *crystal meth* leswi kumiweke eORTIA